

բութիւննսն կցերծ ի ձեռաց այլազգեացն ընդ նոսին և ի թվոյս ՌՃՀԵ (=1726) ազատեաց զտուրբ աւետարանս զայս օգնութեամբ ստամպոլու Պալատեցի մհի. Գասպարին իբրու յիշատակ իւրն և կենակցւոյն իւրում մհի. Նուրիին և աստուածապահ զստերացն մահտեսի Մարիամին Հովփօմէին և նախնեացն իւրեանց և ետ զսա ի Տաճար Սրբոյ Յարութեանն Քրիստոսի.» (Սապ. Յուզ. տետր. Ե. էջ 315—16):

ԳԱՍՊԱՐ ՎՐԳ. ՄԵՐՏԻՆՅԻ.— Մբ. ՏԲ. 1655ին ՏՅ. 1660ին:

ԳԱՍՊԱՐ ՎՐԳ. ԶՆՔՈՒՇԵՅԻ.— Մբ. Ս. Աստուածածնի վանքին Զնքուշ Զո. Զնքուշի մէջ 1737ին. ուխտաւորութեամբ կ'այցելէ Ս. Յակոբի վանքը, 1749ին, առ. Զնքուշի 1756ին; կը ձեռնադրուի եպս. 1764ին, կը վախճանի 1788ին, (Թորոս Աղբար Բ. էջ 400 և 466):

ԳԱՐԵԳԻՆ ԵՊՍ. ԽԱԶԱՏՈՒՐԵԱՆ, ՊՈՂՍԵՅԻ.— Մբ. Արսաշի Դպրեվանքին, Մ. Տրապիզոն 1880ին նախ աշակերտած է 1896ին Վենետիկ Մուրատ Ռափայելեան վարժարանին, յետոյ չըջանաւորաւ Դպրեվանքին. Զո. 1901ին. կրթական, քարոզչական և առաջնորդական պաշտօններ վարած է Արմաշ (1901-2), Արս (1906), Մարաշ (1907), Արարկիբ, Գոնիա, Տրապիզոն, Պաղատա և Պոլիս. ուխտաւորութեամբ այցելած է Մուշ (1911): 1915ին ընդհանուր պատերազմին, կը տարագրուի Ս. Յակոբի վանքը, ուր կ'ստանձնէ Ժառ. Վարժ.ի մէջ ուսուցչական պաշտօն մը (1916-17). կ'ընտրուի սինոդական. 1918ին, Սահակ կթղի. և ուրիշներու հետ Երուսաղէմէն կը տարուի Դամասկոս. զինազաղարին Ս. Յակոբ կ'այցելէ և կը մեկնի Կ. Պոլիս. Ժամանակ մը կը վարէ Տրապիզոնի առաջնորդութիւնը. կը ձեռնադրուի եպս. 1922ին Էջմիածին. զարձեակ Կ. Պոլիս, 1924ին կրկին կ'այցելէ Ս. Յակոբի վանքը և կը մեկնի իբր առ. տեղապահ Պաղատաի 1925ին: Ատենապետ կեզըր. Վարչութեան կըրօն. Ժողովոյ 1927ին. առ. Գալիֆոնիոյ 1928ին: Հրատարակած է Շողախարումներ (տպ. Պոլիս 1925) և Նարեկ ազօթագրքին աշխարհարար թարգմանութիւնը (տպ. Պոլիս 1926): Ունի նաև զանազան անտիպ երկասիրութիւններ:

ԳԱՐԵԳԻՆ ՎՐԳ. ՄԱՆՍՈՒՐԵԱՆ ԴԱՄԱՍԿԱՅԻ, Մբ.— Զո. 1913ին, քարգնան 1915ին, կը վախճանի 1918 յուլիս 12: